



張子壽文集卷第十一

曲江集

勅書

勅契丹知兵馬中郎李道折書

英華

勅突厥苾伽可汗書

英華

勅突厥可汗書

英華

勅金城公主書

勅劍南節度王昱書

勅突厥登利可汗書

英華

勅突厥可汗書

英華

勅突騎施毗伽可汗書

英華

勅突厥可汗書

英華



勅突厥可汗書

英華

勅突厥可汗書

英華

勅吐蕃贊普書

英華

勅磧西支度等使

仇兼瓊書

勅吐蕃贊普書

英華

勅吐蕃贊普書

英華

勅契丹知兵馬中

即李過折書

英華

勅契丹知兵馬中即李過折等。娵比在蕃中已知才略。一
此行事十倍所聞。既立殊勲。又成大節。何其壯也可。突干
狡弄。翻覆人面。獸心事其君。長一不忠不義。處其種落。無信
無恩。專持兩端。隨事向背。而屈列愚蔽。與之同惡。娵比觀

變實為遠圖。誅元凶而存一蕃。行權宜而合正道。所全者
大所慮實深。今諸部帖然。皆娵比之力也。且頃者。勢叛又甚。
崎嶇羊馬。不保於孳生。田疇不安於耕種。寄命山谷。併力
干戈。搃由頑凶。致此勞苦。向若無娵比。舉信彼所行。以疲
弊之殘人。當驍雄之巨衆。彼則朝夕奔命。此方歲月攻守。
而二不敵。殲滅有期。賴娵比先見之明。遽為轉禍之計。以
救萬民之命。以成萬代之名。豈獨大功。真為上智。今將疇
其并世。共姓封王。以旌厥庸。且有後命。在彼初有變。故乍
恣意。為百姓既知。想當安帖。娵比可與張守珪。量事處置。務
逐便宜。今既一家愛同。赤子惟其所欲。隨事撫存。春初尚
寒。卿及衙官。刺史縣令。并百姓已下。並平安。好遣書。言指不

多及

勅突厥苾伽可汗書

英華

勅突厥苾伽可汗比數有信知彼平安良足慰也自為父子情與年深中間往來親緣義合雖云異域何殊一家邊境之人更無他慮甚善其善此是兒可汗能為承順副朕之所親厚人間恩好無以過之長保此心終享福祿子孫萬代豈獨在今比秋氣漸冷卿及平章事並平安好遣書指不多及

勅突厥可汗書

英華

勅兒登里突厥可汗天一个福善禍終彼國苾伽可汗傾逝聞以測然自二十年間結為父子及此痛悼何異所生又

聞可汗繼立蕃落並得寧靜良深悲慰且知無他朕與可汗先人情重骨肉亦既與朕為子可汗即合為孫以孫比兒似疎少許今脩先父之業伏繼往時之好此情更重只可從親若以為孫漸成疎遠故欲可汗今者還且為兒義結既深當熟思此意人情終始固亦可知葬事所須並依來請即與弔祭使將往必令及期言念宿昔深懷感愴春初猶冷可汗及平章事與首領部落並得如宜遣書指不多及

勅金城公主書

勅金城公主異域有懷連年不捨骨肉在愛固是難忘彼使近來具知安善又聞贊普情義是事叶和亦當善執柔

謙未以為好前後所請諸物其中色種不遺仍別有條錄
可依領之春晚極賻想念如宜諸下並平安好今令內常
侍實元禮往遣書指不多及

勅劍南節度王昱書

勅劍南節度使益州長史王昱近得卿表知蒙歸義等效
命出力自討西蠻彼持兩端宜其殘破苟非生事定是輸
忠亦卿等指麾更張遠略諸部所請朝貢及蒙歸義等立
功並委卿料若合行賞豈在不來時向炎蒸路且脩阻郵
傳之弊公私可知亦云重勞非是有惜想卿臨事思其所
宜緣蠻落初寧當須計議若欲入奏亦任襲來春晚極賻
卿比如宜遣書指不多及

勅突厥登利可汗書

英華

勅突厥登利可汗日月流邁將逼葬期崩慕之心何可堪
處朕以父子之義情與年深及聞宅兆良以追悼前哥利
施頡斤至所請葬料事事不遺所以然者將谷忠孝故喪
紀之數禮物有加道之所存地亦何遠今又遣從叔金吾
大將軍佺持節弔祭兼營護葬事佺宗室之長信行所推
欲達其情必重其使以將厚意更敦前約且以為保忠信
者可以示子孫息兵革者可以訓疆場故遣建碑立廟貽
範紀功因命史官正辭朕亦親為篆寫以固終始想體至
懷春中尚寒可汗及平章事並平安好遣書指不多及

勅突厥可汗書

英華

勅兒突厥可汗朕與先可汗結為父子及兒紹續情義日深至於國計亦欲無別兒去年冬討雖有先言然兩蕃既歸國家亦即不合侵伐朕既與兒無間終不以此為懷契丹及奚諸蕃窮者土地不足以放牧羊馬不足以貪求遠勞師徒兼冒鋒敵勝不為武不勝亦危以此言之當務其大者突騎施本非貴種出自異姓惟在姦數誑誘群胡十數年間又承國家庇廕因其荒遠遂得苟存近日已來敢茲背德又知兒意亦欲破之前與先可汗舉哀其使不肯就哭當時辭拒彼使具知兒若搃兵西行朕即出師相應安西瀚海近已加兵欲以滅之復何難也儻事捷之日羊馬土地搃以與兒子女玉帛別有優賞信是長策可熟思

之與兒情親故言及此耳今有少信物至宜領取春初尚寒兒及平章事首領百姓已下並平安好遣書指不多及

勅突騎施毗伽可汗書

英華

突騎施毗伽可汗天地有正位鬼神有正主敢此違犯心有禍殃不信朕言但試看取可汗雖為君長實在幽荒陰陽之氣偏僻如此縱欲自大其如天何往年可汗初有冊立以我國家常為勢援諸蕃聞此不敢動搖是我有大意於可汗行陰德於彼國自爾以後二十餘年情義相親為父子可汗身自不覺豈不知彼之大援而我俗少義見利生心故闕俟斤入朝行至北庭有隙因此計議即起我心何獨達所言即是彼人自告蹤跡已露然始行誅邊

頭事宜未是全夫朕以擅殺彼使兼爲罪責北庭破劉漢之家仍傳首於彼可汗縱有怨望亦合且有奏論朕若不依舉兵未晚而乃摠無來狀即起凶謀侵我西州犯我四鎮連年累月馬死人亡於群胡已聞怨嗟於國家豈能大損中間使哥德都耽及安胡數半泥臨河來此求和朕亦信之故遣使相逐具宣往意其後審觀形勢全是詐欺故害我半道令迴豈是元心有負自爾之後侵犯不絕可汗有何兵衆遂此憑陵諸國聞此豈不得計約筭已而諸國不敵我一兩大州可汗亦應先知何煩遂爾爲惡况安西北庭將士皆是鐵石爲心可汗具諳不煩更道此則承前因率彼自無義却以我爲失無乃重其過乎可汗向若自

禮以理論奏闕俟斤下羊馬數雖稍多欲爲補答亦何足難惟費一州庸調酬還則已大多而乃無義爲讎暴我邊鎮孤城小堡倉卒見危大率而言其數非少彼若計索馬價我亦湏得此物忝是有識之類可不自解思量又可汗正爲寇敗關伊難如從我界過恣嶺捕獲并物奏來所有蕃書具言物數朕皆送還替晉其中一物不留可汗亦以此爲詞謂言朕留此物且蕃中貧薄所見不廣銀瓶香子將作珍奇黑毬赤縻亦爲好物我中國雖在貧下固不以此爲貴可汗宜識此意勿妄生詞且關伊難如越界可汗復遣頭作梗如此不捉更捉何人適是邊軍明其用命觀可汗求和之意此未有真心只擬誘引國家乘便取利如此

等事何用爲之我國守信如天終不欺物謂天無信物自無知然於四時終不差也可汗若遂能爲惡朕當別有處分三二年內試看若爲必其自省前非更思恩舊朕即弃捨大過父子如初可汗更有何憂百姓皆得安樂一任可汗自料朕亦不復多言一一在使者口具秋中漸冷可汗及公主衙官並平安好遣書指不多及

勅突厥可汗書

英華

勅兒可汗比來和市常有限約承前馬數不過數千去歲以兒初立欲相優賞特勤欲谷前至納馬倍多故摠與留者已給物市買中間蘇農賀勒兼領堅昆馬來朕以一年市中舊無此法哥解骨支去日丁寧示意又移健達干後

到亦以理報知不遣重來須存信約遂乃不依處分驅馬直來無禮無信是何道理朕緣兒義重深爲會容論其無知豈能不恠計兒忠孝必無抹理未委此等何故而然念其遠來磧路艱苦勒令却退去似不相親今親都賜蘇農賀勒下及昆堅使下摠二萬疋絹任其市易想兒知之其馬今並勒令却去至彼之日以理告示也夏末甚熱兒及平章事並平安好遣書指不多及

勅突厥可汗書

英華

勅兒突厥可汗道路旣遠使命復稀近日已來音信斷絕朕每多懸念想所知之與兒情義旣深庶事無間父子之國直往直來何異一家真無別也蘇農賀勒處刺達干等

去歲將馬其數倍多又有諸蕃馬來亦是兒所發遣往者
先可汗在日每年納馬不過三四千匹馬既無多物亦易
辨此度所納前後一萬四千緣兒初立可汗朕又結爲父
子恩義相及不可却迴所以摠留計物五十萬匹兼屬國
家大禮並放天下租庸用度無窮非特和市緣此馬價通
容稍遲處利達于未還不是故爲留滯念悉此意當復寬
心今見續續市場不欠望了即當發遣迴日非賒在此還
如當家去住亦何異也此後將馬來納必不可多還如先
可汗時約有定准來使交易發遣易爲事湏久長不是限
隔今故令趙惠琮往并有少信物別具委曲至宜領取秋
氣漸冷兒及平章事並平安好遣書指不多及

勅突厥可汗書

英華

勅突厥兒可汗內侍趙惠琮從彼還一一口具深慰遠懷
兒表中猶言前年退馬多兼云蘇農賀處羅達干三年在
此與兒更無問外庶事一家所以趙惠琮去時皆以實報
今者來報尚未體悉且去年所將馬來前後數倍常歲至
於好惡未必皆以兒知其中老弱病患及軀格全小不堪
駕馭如何摠留所以略簡多少仍是十退一二在於兒處
大爲存情何故來章尚嫌多退必若留售惡馬亦恐諸蕃
笑人兒既君長北蕃復與朕爲父子湏存分義使遠近知
之勿信下人專由利動蘇農賀處羅達干等續續市買甚
有次第雖校遲少計物並好於往時不久當迴亦勿怪也

所欲遣使來者既為父子之國來往乃是尋常須知平安
獲申朝覲行聞來使用慰心冬中極寒兒及平章事並
平安好所有委曲皆使至口具遣書指不多及

勅吐蕃贊普書

卷第

皇帝問贊普緣國家先代公主既是舅甥以今日公主即
為子婿亦是重親何待結為遇事足以相信隨情足以相親
不知彼心復同以否近得四鎮節度使表云彼使人與突
騎施交通但蘇祿小蕃負恩逆命贊普並既是親好即合
同嫉頑凶何為却與惡人密相往來又將器物交通賂遺
遣鎮守捉防邊是常彼使潛行一皆驚覺夜中格拒人或
死傷比及審知亦不摠損所送金銀諸物及偷盜人等並

休悉諾教藏却將還彼既與贊普親厚豈復以此猜疑自
欲坦懷略無所隱縱通異域何慮異心又西南諸蠻元是
異類或叛或附恍惚無常往年被略彼蕃率種歸我緣李
知古處置失所又即翻然改圖彼此之間有何定分而被
有來者乃云此先舉兵以蠻為詞未知孰是今既無外當
以此思之緣彼州鐵柱前書具報一言不信朕豈厚誣更
以相仍便非義也鐵柱書唐九徵所作百姓咸知何不審
之徒勞往復至於邊將在遠下人邀功變好為惡誠亦有
此非獨相規亦當自誠如此覺察更有何憂萬事之間一
無所限隔所以細故無不盡言想所知之體至懷也晚春
極暗贊普及平章事首領並平安好有少信物別具委曲

遣書指不多及

勅磧西支度等使章仇兼瓊書

勅磧西支度營田等使兼知長行事殿中御史章仇兼瓊。近聞卿手足風緩頗有所廢而不敢言病竭心在公良用嗟稱有古人之節西庭既無節度緩急不相為憂藉卿使車兼有提振不獨長行轉運營田而已事務方劇氣候又偏將攝之間自須得所今遣醫人將藥就彼看療可與之商量隨病所宜冬寒卿比平安遣書指不多及

勅吐蕃贊普書

英華

皇帝問吐蕃贊普近實元禮往事具前書贊普後來亦知彼意朕推心天下皆合大和况於彼蕃復是親婭仍加結約

盟誓再三以至道言之此亦仁義不薄也而贊普且猶未信復是何心君長大蕃固不容易所云去年七月雋州將兵抄掠兼有該誘雋州之外尚隔諸蠻既背吐蕃自行寇抄掠而乃推托於我何為遙信虛詞且西南群蠻別是一物既不定於我亦不專於吐蕃去即不追來亦不拒乃是兩界所有只合任其所歸自數十年來或叛或附皆所親見豈假縷言往者此蠻皆恩侵我邊鄙昆明即雋州之故縣益井乃昆明之本城今復舊疆何廢脩築而云除却是何道理且邊境備守彼此常事今既和好何有嫌疑至如西自葱嶺已來公邊諸處或地勢是要或水土是好彼有城鎮亦皆內侵朕既不解廣求更以自益緣已和好不可

細論且八疊山築城改城置鎮皆入漢界何曾以此爲言而彼即生詞未知何意邊城委任當擇忠良無信小人令得間構復中已熟贊普及平章事並平安好遣書指不多及

勅吐蕃贊普書

吳華

皇帝問贊普自與彼蕃連姻亦已數代又與贊普結約于今五年入使往還未嘗有間朕以兩國通好百姓獲安子孫已來坐受其福壇場之事幸且無憂此雖境上有兵固是存而不用在彼邊事與此何殊近得來章又論蠻中地界所有本末前書具言贊普不體朕懷乃更傍引遠事若論蠻不屬漢豈復定屬吐蕃耶彼不得所即叛來此不得

所即昔去如此常事何乃固執復於國家何有朕豈利之至如彼中鐵柱州圖地記是唐九徵所記之地誠有故事朕豈妄言所脩城壁亦依故地若不復舊豈爲通和蠻中抄掠彼人勘問亦有此事緣其初附法令未行亦有姚雋遷人姦險求利或入蠻同盜亦不可知既與贊普重親朕又君臨大國正欲混同六合豈復侵取一隅再三已論何乃不信顧慙薄德良用咨嗟且如小勃律國歸朝即是國家百姓前遭彼侵伐乃是違約之萌朕以結信既深不顧其小中間遣使曾不形言贊普何獨相尤而不思已西之事所存既大當共成之近聞莽布支西行復有何故若與突駟施相合謀我積西未必有成何須同惡若爾者欲先

為惡乃以南蠻為詞今料此情亦已有備近令勒兵數萬
繼赴安西儻有所傷慎勿為恠也朕心無所負事欲論平
但國家之所守者信鬼神之所助者順未有背道求福違
約能昌何况兵衆不可當而又天道所不假以此求濟
不亦難乎遠道所傳多應不實亦計贊普不合異圖故令
人審者定何緣也待潘息迴日更別具委曲今附少物具
如別數為路遠不得多附春首尚寒贊普及公主比如宜
也平章事並平安好今使內常侍實元禮遺書指不多及

張子壽文集卷第十一

張子壽文集卷第十二

曲江集

勅書

勅吐蕃贊普書

英華

勅吐蕃煇疊普書

英華

勅金城公主書

勅吐蕃贊普書

英華

勅金城公主書

勅吐蕃贊普書

英華

勅張待賓書

勅牛仙客書

勅張待賓書

勅護密國王書

英華

勅護密國王書

英華

勅識匿國王書

英華

勅勃律國王書

英華

勅諸國王葉護城使等書

勅罽賓國王書

英華

勅日本國王書

英華

勅蒙歸義書

英華

勅拓靜州首領書

英華

勅蒙歸義書

英華

勅蠻首領鐸羅望書

英華

勅襲仁哲書

英華

勅吐蕃贊普書

英華

皇帝問贊普得七月一日信所言陰承本奏請不擬與彼和將兵馬大入者至如和與不和事皆由朕自斷何人輒敢奏聞何兵即敢擅入所結親好不是近年文成公主已來亦重疊矣中間或絕或繼終是舊好存焉惟道此有讒臣不知彼專構造亦須自覺豈可推過至如兵馬邊備彼與此同既見彼處加兵豈此摠無備矣疑自彼起不可相尤近日築城不出疆界邊頭有要隘事脩營何所致疑以此爲語如彼頻歲亦築數城若不惡心何故嚴備固是邊

境常事不足爲言忽此相尤深所未達彼蕃必其自守此兵終不妄行所立盟約更知何用鬼神知意不必多言秋氣已冷贊普及平章事並平安好書指不多及

勅吐蕃贊普書

英華

皇帝問贊普曰此使前至之日具知彼意實元禮中間所去亦已備論且親以舅甥之國中以婚姻之好義非不重心宣合疑頃歲以來加之盟約此又不信其如之何至如境上蠻夷元是衆物來不可拒去不可追前書已言想所知也而每來信使皆以爲詞或去越界築城或稱將兵抄掠且蠻既皆彼伊自築城在蠻中人即隨地所以侵竊亦是群蠻皆在荒遐豈關處分而歸過於我無乃甚乎邊境

小人不識大體此既未免彼亦有之間構既行猜嫌互起朕近已知此釐普亦須察之勿取浮言虧我大信以絕兩國之好甚善甚善所有諸事皆具前書公主所請與人官及內人品第即當續有處分春晚漸熱釐普及平章事並平安好今有少物別具委曲至宜領取遣書指不多及

勅金城公主書

勅金城公主歲月流易忽復經年言念遠情何能已已此者通好信使數來知彼所宜善足為慰國家大計必義斷恩離別嬰心固當自抑仍善頌和順使歡好如初所請授官及內人品第既久在彼誠亦可矜即當續有處分宗玄禮衰疾近不能起賈混之緣此未得獨行待其稍瘳亦即

遣去今有少信物至宜領取春晚公主已下並平安好遣書指不多及

勅吐蕃釐普書

英華

皇帝問釐普朕與彼國既是舊親近年已來又加盟約如此結固仍有猜嫌明知異域之心亦難可保比者所有信使惟知怨此相違自料國家何負於彼至於突騎施最爾醜虜頃年恃我為援幸至今日而敢辜恩朕未即誅之待其惡積釐普越界與其婚姻前者以意向道即云尋已告絕朕亦委信以為必然今人定婚如初黨惡可見又莽布支西出朕具知之今實元禮往彼問以何故又道別緣他事為此追還其人實將兵向西擬行政取前後詐妄言與

事遠驗在目前得不嘆恨夫人之所以爲貴者以其有信
有禮國之所以能強亦云惟信與義若言不可親雖在匹
夫尚多耻媿何況君長能無情乎彼突厥施人面獸心偏
僻荒遠見利則背與親實難贊普見朕宿恩共彼相厚應
非長策可熟思之又比來觀彼事意有殊往日惟任計數
以此爲能今與突騎施和親密相結託陰有贊助而傍作
好人如此潛謀亦非遠計所欲爲患不過邊庭且邊鄙之
於中國如毫毛之在身耳以彼戎狄侵我毫毛雖實無多
何須有損朕所以殷勤和好欲靜邊人君國之心不能忘
也亦與贊普累代舊親幸無大故不宜輕絕今邊鎮兵馬
不可不防彼亦有之與此無別既不先舉自足知心從前

所言豈有虛也秋晚稍冷贊普及平章事者領百姓並平
安好遣書指不多及

勅金城公主書

勅金城公主數有來使聞彼安寧差慰遙心想所知也柔
順之道既以夙成終始用心貴於無失惟此而已餘不足
言所附物並依領具有還答并更附少信物別有委曲至
宜領取秋冷念比何似遣書指不多及

勅吐蕃贊普書

英華

皇帝問吐蕃贊普比亦覺彼事勢有異略加防備仍未益
兵今得安西表來奔布支率衆已到今見侵軼軍鎮并踐
暴屯苗先知彼有異謀猶未自將至此者且奔布支西出

朕先知之前令問其行由得報自緣別事今乃爲賊負心如何安西諸軍去此萬里倉卒遇敵何暇奏裁既彼交侵必應拒鬪倘有傷損可無相尤軍城鎮守之人不可束手就死事由彼起深所咨嗟且累代舊親復新有盟約彼既欺負天地違犯鬼神如此用心更知何道一往邊頭所備只緣慮有非常今果如言防乃不錯突騎施異方禽獸不可以大道論之贊普與其越境相親只慮野心難得但試相結久後如何於朕已然義則合絕但爲誓約在近親好又深彼雖背恩豈我尤效先今奔問欲盡舊情必定爲惡別爲之所一昨遣內常侍劉思賢送公主封物并每年國信物見已臨路適會衣來思賢此行量其在道遲緩今故

令劉思賢判官劉明子先行具宣徃意秋冷贊普公主及平章事並平安好遣書指不多及

勅西州都督張待賓書

勅天山軍使西州刺史張待賓吐蕃背約入我西鎮觀其動衆是不徒然必與突騎施連謀表裏相應或恐賊心多計諸處散下鐵關于術四鎮咽喉倘爲賊所守事乃交切已勅蓋嘉運與娣計會簡練驍雄於要處出兵以爲聲援仍遠令探候知其有無自外臨時皆委娣量事秋冷娣及將士並平安好遣書指不多及

勅河西節度副大使牛仙客書

勅河西節度副大使太僕卿攝御史大夫牛仙客突騎施

連歲犯邊凶惡如此若不威服祗長寇讎自夏及今連營不散踈勒雖解邊城見侵雖無如我何亦爲邊所患終須有計以挫凶謀卿可於河西諸軍州揀練驍雄五千人即赴安西受王斛斯分部朕當發遣十八年安西應贖五千四百八十人與彼相續足得成師若無整勞何從息甲且此賊狂悖不論信義勅肆凶毒其意已然不此加兵以圖撲滅使其驕暴豈有寧時已勅蓋嘉運與王斛斯審量事宜臨時爲計既爲卿探訪所管亦宜隨要指麾兼有別勅發三萬人此但聲援而已可大張威勢遠使震懾又恐安西資用之乏卿可於涼府將二十萬段物往安西令隨事支擬及充宴賜朕則續支送涼州云云

勅天仙軍使張待賓書

勅天仙軍使張待賓近知賊下燒此安然即去竟無介候來不預知如此防邊無乃踈闊此一分頭抄掠計其數不至多向若烽鋪稍明復與北庭計會相與來擊賊可無遺且邊鎮統軍俱受朝委共防患害何異一家况在絕漠尤宜相援已勅蓋嘉運訖可與之籌宜凶黨復來固須有預冬中甚寒卿及將士並平安好遣書指不多及

勅護密國王書

英華

勅護密國王真擅朕知卿忠赤能保國境所以前加禮命用叶蕃情卿感此殊恩盡力外禦聞有凶寇能伸遠績以義動衆雖弱必強豈獨人心亦有神助甚用嘉歎不可忘

也冬末其寒卿及將士七並平安好遣書指不多及

勅護密國王書

英華

勅護密國王真擅發奮積惡自取滅亡想所具知不復煩
述卿此者雖受冊立緣此未得還蕃彼既伏辜固無隔閡
卿宣揚國命慰撫遠人保我西陲長守誠節突騎施凶逆
慮其寇掠卿宜善討勿令不覺其來已西商胡北遭發奮
劫掠道路遂斷遠近呼嗟卿宜還國必須防禁蕃中事意
遠路難聞可量彼權宜便與王斛斯計會夏末甚熱卿及
首領並平安好遣書指不多及

勅識匿國王書

英華

勅識匿國王烏訥沒莫賀咄咄此與護密相為唇齒而發

匄凶狡劫殺商胡罪不容誅走投異域朕知其惡積敗立
真擅遽聞却來還占本國卿等離疾頑暴相率誅之累歲
逋逃一朝剪滅永言忠義深所嗟稱今授卿將軍賜物二
百疋錦袍金鈿帶七事已下節級若有衣物各宜領取夏
末甚熱卿及百姓並平安好遣書指不多及

勅教律國王書

英華

勅教律國王蘇沒謹忙得王斛斯表卿所與斛斯書知卿
忠赤輸誠國家外賊相誘執志無二又聞被賊侵寇願亦
艱虞能自支持且得退散并有殺獲朕用嘉之卿兄蘇來
兮及首領已下各量與官賞具如別勅今賜物三百疋銀
盃銀盤各一衣一副并金鈿帶七事至宜領取夏中甚

熱卿及首領並平安好遣書指不多及

勅諸國王葉護城使等書

英華

勅諸國王葉護城使等突騎施不道連年作寇使我邊鎮常以爲虞諸處攻圍所在堅守能伺其隙各有誅夷比卿等亦誠臨事效節使妖不勝德氛祲自消逢料凶謀還慮再下且賊衆烏合疲於重來勞則心離久必有隙卿等常須有預以逸待之一二年間奇功可立富貴之舉彼賊是資忠烈之懷此心可變今各賜卿衣一副聊慰勤誠所有勳勞已令叙定當續有處分想亦知之春暄卿及將士並平安好遣書指不多及

勅諸國王書

英華

勅罽賓國王得四鎮節度使王斛斯所翻卿表具知好意然事在絕域不可預圖卿若誠心任彼量度事遂之日必有重賞朕每於遠國未常有所食言想亦知之勿致疑也秋初尚熱卿及首領並平安好遣書指不多及

勅日本國王書

英華

勅日本國王主明樂美御德被禮義之國神靈所扶滄溟往來未常爲患不知去歲何負幽明丹墀真人廣成等入朝東歸初出江口雲霧斗暗所迷方俄遭惡風諸舡飄蕩其後一舡在越州界即真人廣成尋已發歸計當至國一舡飄入南海即朝臣名代艱虞備至性命僅存名代未發之間又得廣州表奏朝臣廣成等飄至林邑國既在異國

言語不通並被劫掠或殺或賣言念災患所不忍聞然則
林邑諸國比常朝貢朕已勅安南都護令宣勅告示見在
者令其送來待至之日當存撫發遣又一舡不知所在永
用液懷或已達彼蕃有來人可具奏此等災變良不可測
卿等忠信則爾何負神明而使彼行人罹其凶害想卿聞
此當用驚嗟然天壤悠悠各有命也中冬甚寒卿及百姓
並平安好今朝臣名代還一一口具遣書指不多及

勅西南蠻大首領蒙歸義書

英華

勅西南蠻大帥特進蒙歸義及諸酋首領等卿近在邊境
不比諸蕃率種歸誠累代如此况卿等更效忠赤朕甚知
之頃者諸酋之中或有携貳相率自討惡黨悉除即日蕃

中應且安帖然則地臨外境亦須有預人無遠慮必有近
憂卿可思之豈虛語也所有蕃中事意使者具知之比秋
涼卿及百姓並平安好遣書指不多及

勅拓靜州首領書

英華

勅拓靜美州部落昨王承訓去緣當州百姓有相扇動故
令宣旨告示彼人如卿拓靜等州種落各異本自寧帖何
復為言此者採訪使處置或未得所朕既知之已有處分
卿等祖父忠赤輸誠國家既是子孫文襲冠帶各守先業
足得坦然何所憂虞而云驚懼宜各通相告語勿使更然
夏中已熟有領百姓並平安好遣書不多及

勅西南蠻大首領蒙歸義書

英華

勅蒙歸義吐蕃於蠻擬行報復又雋州益井本屬國家中間被其內侵近日始後收得卿彼蕃落亦應具知吐蕃惟利是貪數論益井比有信使頗以為詞今知其將兵擬侵蠻落兼擬取益井事似不虛國家與之通和未常有惡今既如此不可不防卿即與達奚守珪部落團練候其有動言可出兵必無事蹤亦不得先舉雋州相去道里稍遙若有驚急復須為援並委卿與達奚守珪計會無失事宜卿於國盡誠在邊為捍委寄得所朕伎何憂秋中漸涼卿及首領百姓並平安好今故令內給事王承訓往一一口具遣書指不多及

勅蠻首領鐸羅望書

吳華

勅故姚州管內大酋長郝傍時嫡孫將軍鐸羅望卿之先祖輸忠奉國遽聞祖逝深愴于懷言念邊人必藉綏撫又逼蕃界兼資鎮遏卿宜續承先業以副朕心故遣宿衛首領王白于姚州都督達奚守珪計會就彼吊尉便授卿襲濃穹州刺史并賜綾彩三百疋至宜領取秋中已涼卿及首領已下並平安好遣書指不多及

勅安南首領豐仁哲書

吳華

勅安南首領歸州刺史豐仁哲潘州刺史潘明威獠子首領阿迦和蠻大鬼主孟谷候姚州首領左威衛將軍爨彥微將軍昆州刺史爨嗣紹黎州刺史爨魯戎州首領右監門衛大將軍南州刺史爨歸王南寧州司馬威州刺史都

大鬼主鬻崇道昇麻縣令孟耽等雖在僻遠各有部落
俱屬國家並識王化比者時有背叛似是生梗及其審察
亦有事由或都府不平處置有失或朋讎相嫌經營損害
既無控告自不安寧兵戈相防亦不足深怪也然則既漸
風化亦當頗革蠻俗有頃陳請何不奏聞蕃中事宜可具
言也今故令掖庭令安道訓徃彼宣問並令口具有穩便
可一一奏聞秋中已涼卿及百姓並平安好遣書指不多
及

張子壽文集卷第十二

張子壽文集卷第十三

曲江集

表狀

讓起復平章事表

英華

進千秋節金鏡錄表

英華

華

荊州謝上表

賀赦表

慶冊皇太子表

英華

洪州進白鹿表

為王駿謝表

獻寫聖真圖表

為何給事進父書

論教皇太子狀

論勘內婦女事狀

論東北軍未可輕動狀

薛王疾宣史館狀

薛王薨請上復膳狀

明御注道經疏狀

請將吏刊石紀功狀

請御注經傳授狀

西幸改期請付史館狀

英華

上寫經宣付史館

賀張待賓奏尅捷狀

英華

讓起復中書侍郎同平章事表并御批

英華

草土臣言伏奉去年十二月十四日制復臣中書侍郎同平章事者外沮公望內奪私情餘生力微哀怖殞絕臣誠哀誠懼死罪死罪臣伏以宰相所職贊理庶事陶冶太和以遂萬物苟非所任有受其殃臣實單人本無大用况在艱疚觸緒哀迷矧以素所不堪加之荒塞而軍國事重翼亮誠難臣獨何人謬居此地退省所有負敗將及雖頓感恩匍匐報命其如塵玷聖鑑汚辱台衡於國非急於禮虛發臣比年限役多闕晨昏交瘵之際遽乖救藥凶諱之日遠隔追攀而星霜未周冠冕載迫是以每聞昔絕几筵今

阻九日名教實所深哀伏惟眷情有以永錫况質言非讓悲歎不文祈天之心惟聖所體實冀哀素有次喪紀獲終俯鑒荒迷乞遂情禮臣無任感絕哀迫之至謹詣朝堂奉表陳乞以聞臣誠哀誠懼頓首頓首死罪死罪謹言開元二十二年正月二十七日草土臣張九齡上表

御批

卿去歲禮闈擢受樞密實關政本將倚為相頃來外用且會宿心雖屬家艱已踰年序不有至孝誰能盡忠若墨縑之義不行蒼生之望安在謂此情難奪豈成命可移比日行在佇卿促轡今既至止無勞固辭朕以非常用賢曷云常禮哀訴即宜斷表今日便上

進千秋節金鏡錄表

吳華

臣九齡言伏見千秋節日王公已下悉以金寶鏡進獻誠貴尚之尤也臣愚以謂明鏡所以鑑形者也有妍蚩則見之於外往事所以鑑心者也有善惡則省之於內故皇帝鏡銘云以鏡自照見形容以人自照見吉凶又古人云前事之不遠後事之元龜元龜亦猶鏡也伏惟開元神武皇帝陛下聖德之至動與天合本已全於道體固不假於事鑑然覆載廣大無所不包聖道冲虛有采皆應臣敢緣此義謹於生辰節上事鑑十章分為五卷名曰千秋金鏡錄雖聞見褊淺所擇不深至於區區效愚其庶乎萬一不勝悃款之至謹言

荊州謝上表

臣九齡言伏奉四月十四日制授臣荊州大都督府長史聞命皇怖魂膽飛越即日戒路星夜奔馳屬小道所使多驛馬先少以今月八日至州禮上誠惶誠恐頓首頓首死罪死罪臣不即飲氣取死豈敢輒惜餘命伏念心無黨惡死則似同以此偷生猶希聖察臣往年按察嶺表便道赴使訪聞周子諒義經推覆遙即奏充判官尋屬臣改官使亦有替其後信安郡王禕奏將朔方驅使便請授官臣以其嶺外勤勞因而奏乞事不敢隱未止恐私然進用非人誠宜得罪但臣特蒙拔擢出自宸衷陛下所用隱微惟臣而已伏思報效竊恃聖恩每於事端無所防避智誠雖淺

罄竭則深微誠區區義有所在豈復與此私協以負累聖
鑒臣雖至頑至愚不至於此皇天后土照臣血誠夙夜煩
冤欲辨無路臣聞物有窮者必訴於昊天人有痛者必呼
於父母臣今孤苦不乞哀於聖君豈蒙惠聲遂銜冤以沒
代臣受性愚鈍闇於知人稟命舛剝與此凶會誠合自死
以謝天威所以側息苟存者臣為聖朝所用既極榮寵而
一朝至此恐玷明時在臣微生有若螻蟻身名俱滅誠不
足言今譽各則然恩禮猶重面日有砌夙夜唯憂戴盆望
天豈期上達又未能宣布聖澤少荅殊私踣躄無任荷懼誠
悚之至謹附河西經略判官所部朝義郎法曹象軍蘇鈗
奉表陳謝以聞臣誠惶誠恐頓首頓首死罪死罪謹言

賀赦表

臣言伏奉今月八日制恩春郊展禮惟新布澤臣聞古之
王政雖在方冊將崇舊典必俟聖君伏惟開元神武皇帝
陛下德合天明道高帝載以為春者發生之氣氣者含育
之本事乃重於歲始禮故親於東郊振絕代之綱作名王
之法布澤行慶昭德順時以合陰陽之和以乘天地之正
凡在品彙莫不昭蘇臣待罪荆南亦濫承恩賜臣無任欣
慶戰荷之至謹因所部送水王俸料官當陽縣主簿陳珍
奉表陳賀以聞臣誠歡誠喜頓首頓首死罪死罪謹言

慶冊皇太子表

英華

臣言伏奉今月二日制冊立皇太子者伏以皇太子天資

生得春哲夙備受以吉辰光膺盛典伏惟開元神武皇帝
陛下建儲固本體天合聖萬方之心永貞是屬一人之慶
大賚斯在臣待罪荆南不獲補慶闕旋欣躍之誠實百常
品無任悚踊慶躍之至謹遣所部宣義郎行枝江縣尉揚
崇仙奉表陳賀以聞臣誠歡誠喜頓首頓首死罪死罪謹
言

洪州進白鹿表

臣聞聖法天則至理調於元氣天表聖則嘉瑞託乎群有
將以幽贊王澤覺悟生靈知至德之所感如虛響之必應
伏惟開元神武皇帝陛下道孚神化體合乾行品物所資
太和罔不叶圖謀所載殊祥罔不臻故郡國上言日月相

繼臣所部豫章縣某月某日獲白鹿一休氣所集靈質自
呈欲效符社易為馴狎臣謹按瑞應圖云王者明惠及下
則白鹿見又按孝經援神契云王者德至鳥獸則白鹿見
蓋鹿者仙壽之物實為禎祥之表雖時和歲稔固不假於
羽毛而天意人事誠欲伸於耳目臣不勝感慶之至謹詣
其所奉瑞鹿表進以聞臣誠歡誠喜頓首頓首死罪謹言
為兵部尚書王峻謝平章事表

臣言伏奉今月二十九日制授臣兵部尚書同中書門下
三品殊常寵靈妄集疲板承恩竊喜任重惟憂臣誠歡誠
恐伏以虛受之難魯史以量其力滿盈之過夏載陳其招
損臣階緣試吏際會登朝遂得入拜尚書比天之喉舌出

典方類爲王之爪牙雖忠烈之誠心知所竭而績用之美
歲久無聞今陛下不以不能爲光爲寵寘之廟堂之上參
以軍國之謀實恐鼎足不任鶴翼爲刺退失微臣之守上
累陛下之明是以永夕九飛終朝三省泉谷爲懼冰炭在
懷道雖頓於將行位固慙於幸得臣已有別狀具所讓人
猶蒙曲私未寢嚴命方欲俯俛恭命對揚休光磨鉛效於
一割寒同於十駕臣誠懼塵台席諺齒國華將何以克
答鴻私彌諧大化拜命祗惕罔知所爲臣不勝荷懼之至
謹奉表謝以聞臣誠惶誠恐謹言

爲信安王獻聖真圖表

臣言臣一昨扈從西狩岐陽時以有年事因農隙整六軍

之衆脩大田之禮成卒是訓威武載揚屬草淺獸肥霜清
氣殺詔虞人以即鹿命荊州而起鳥陛下親御弧矢紆駕
林衡曾不合圍取其背者雖有逸群之狡走險之捷而飛
黃鵠纏縈紉如組綠沉縱鑷宛轉若神必命中於前期皆
應絃而絕倒其餘變態不測神妙無窮非臣瞽言所能模
狀既而備獻禽之禮虔薦寢之誠教人以孝自天作則此
外效獲畢賦懿親兼禁羽騎無犯宿麥是行也典禮斯備
仁恩允洽三令惟肅七德以宣魏武何階亦紀功於猛獸
周文差擬將比義於非熊臣忝藉宗枝幸陪鑿輅竊觀神
武冠絕古今以爲載之空言不若圖之繪事向所述聖今
皆寫真雖天顏不遠而丹青莫擬徒極愚思庶好萬一謹

一一陳伏深戰汗臣誠惶誠恐謹言

為何給事進亡父所著書表

臣言臣父某官某乙往歷樞近志勤忠益至於霸王大略軍國要務事關興替言涉箴規因著十篇名曰帝圖秘錄將欲獻納纔加撰次尋屬臣私門殃孽夙遭閱凶手澤所存心瞿不忍遂未奏御猶在絨滕二紀及茲遺言將墜誠愚臣不克負荷不揚休烈俾亡父之業聖代莫傳雖忝掖垣若實冰谷伏惟聖聽政中吳觀書乙夜思上皇而合道恨古人於同時而臣亡父所論君臣之際必欲驗之行事非真垂於空文誠宜上感宸衷由沒代而匡輔下藏秘府因聖君以發明竟未上聞伏增悲懼臣不勝感惕之至謹

繕寫封進以聞謹言

論教皇太子狀

右臣伏以皇太子是天下之本為國之貳今則膺質漸長猶在深宮所與近習者未必皆正人端士安於逸樂義則性成是以古者明王恐其若此雖在赤子先之以教必使督儒碩德為之師保故大戴禮云周成王在襁褓之中太公為之大師教之順也周公為之大傅傳其德義召公為之大保保其身體是故成王能聖周道用康秦始皇使趙高傳其太子胡亥因教之以獄所習者非斬劇人則夷人之三族也胡亥即依秦氏以亡則明人之性情莫不由習若近正人聞正事雖欲為惡固已不忍若親近細人不聞

教諭縱欲行善猶未知所適此必然也胡越之少生則聲
同長則語異蓋聲者天然語者所習習於胡則胡習於越
則越故知成於所習不可不慎臣伏願詳擇典故徵用名
賢執經勸學朝夕從事俾皇太子得於所習天下幸甚謹
奉狀以聞謹狀

論內勸別宅婦女事狀

右件婦文事緣卑職縱兩縣檢括有所阿容即願宣付憲
司糾摘其罪今便收補人內別加推逐道路有云何急於
此若在外勸當慮以相寬其餘法獄皆應就內始可以
杜其請託方益威嚴便是法不肅而吏不懼其弊尤重於
別宅者也昔漢丞相府尚不按吏誠以務在尊崇體不可

失况天子中禁而有此名丞相極微所緣至小固不足以
塵黷聖聽雖在內曹外議切切未為得所即有聞知不敢
不奏謹狀

論東北軍未可輕動狀

右高力士宣奉勅張守珪所進送突厥生口具問知委曲
故令劉思賢去者臣等伏以北虜凶狡誠亦難保其心然
陛下以恩澤懷柔歲月已久使彼對武頓改頑暴以事觀
察信然不虛何者昨李佺使迴虜亦具云東下中間或言
難信至今果如所說即是輸誠於國未有他詐且契丹等
翻覆或往或來今其東討雖未稟命在於夷狄亦不可責
於常理若因而屠之亦便除患陛下先有聖料以為如此

臣等常竊思之固非所及今其來也若契丹等偶勝北虜
勢衰因而乘之滅其大半審料必取始可決行事若不然
而軍將妄動徒結大隙亦以不信為國生患莫甚於此臣
伏以在邊諸將苟利一軍便即行之以邀榮賞不思遠計
誠是大失今劉思賢往望將降書處分守珪必為遠圖無
得妄動切納諸將使知聖心縱虜庭聞之尤彰天澤未審
可否謹錄狀奏聞

薛王有疾上憂變容髮請宣付史館并御批

右臣等伏見邠王守禮等表并荅制以薛王業有疾聖情
軫慮宿昔之間容髮遂變又尋繹致倦假寢通神因獲異
方頓解危懼誠陛下交愛之至冠於皇王急難之情達於

神道所以諸王陳請願書竹帛然猶讓此歸美推而不居
聖德謙冲固難名於廣大臣子之志敢忘義於昭宣况臣
等近侍軒墀倍百忝品望以邠王等狀宣付史館謹錄狀
奏聞伏聽勅旨

御批

凡曰兄弟豈同他人况有疾亦自成憂迫不辭容髮致改
且喜神心助人雖用靈方猶未痊平願茲德薄實懷多慮
所請宣示良或未然

薛王薨上損膳請復膳狀并御批

右未經旬時慘恤相次聖情友愛之至屬此天倫之戚伏
聞寢膳有改乎常士等下情不安夙夜惶灼伏願抑損恩

命冲用道心以承宗社之重以慰臣庶之望天下幸甚臣等不勝倍迫怛情之至謹奉狀以聞死罪謹奏

御批

兄弟之喪人倫所重哀廢飲食禮訓有變雖欲自抑有如此情

請御注道德經及疏施行狀并御批

右臣等伏以至道無名常善救物所以鎮彼澆競登諸福壽而古今殊論穿鑿多門徒廣津梁何階闡闔伏奉恩勅賜臣等於集賢院與諸學士奉觀御注道德經及疏本天旨玄遠聖義發明詞約而理豐文省而事愜上足以播玄元之至化下足以闡來代之宗門非陛下道極帝先勳宣祖

業何能迴日月之晷度鑿乾坤之戶牖使盲者反視聵者聳聽蒙蔽頓祛况迷有道九在率土實多慶齊無任欣戴怵躍之至請宣付所司施行

御批

先聖說經激時立教文理一貫悟之不遠後來注解岐路增多既失本真動生疑誤朕恭承餘烈思有發明推按諸家因之詳釋庶童蒙是訓亦委曲其詞慮有未周故遍示積學竟無損益便請宣行朕之不才甘失旨於先帝卿等匪美豈不畏於後生循環此情未知所適可廣示朝廷有能正朕之失者具為條件錄姓名以聞當別加重賞

請東北將吏刊石紀功德狀并御批

右奚及契丹尤近邊鄙侵軼是慮式邊成勞臣庶常情惟
欲防禦所謂長策無出此者陛下獨斷宸襟高奪群議以
爲頭兵塞下轉粟邊軍曠日持久役無寧歲若不因利乘
便一舉遂平使遷善者自新爲惡者就戮事若不爾無息
我人且今大兵臨之凶徒必潰不出此歲當並成擒臣等
初奉聖謀高深未測及聞凱捷晷候不差而兩蕃遺燠莫
不稽顙緣邊戍卒咸以返耕卧鼓滅烽誠自此始斯皆陛
下睿謀先定神武非常觀變早於未萌必取預於無象伏
以成功不幸君人所以爲量有美不宣臣子所以成罪臣
雖蒙警安敢無言既預聞始謀又幸見成事豈可使天功
虛往而日用不知竹帛相傳復紀何事請具狀宣付史館

密示將來仍請將吏等刊石勒頌以紀功德臣某等不勝
區區卜躍之至謹奉狀以聞謹奏

御批

事有難易因圖可否小善皆誕惡實已盈人神弃之指期
可滅今之滅定偶會夙心記以史官銘之樂石頗矜功伐
不願爲之伯獻前請朕已不納卿等苦論載用多規使桓
山之頌復在茲乎

請御注經內外傳授狀并御批

右臣等今日於九齡覲伏見集賢院奉賀御注前件經墨
勅批荅兼九齡說膚思幽贊玄關洞闢微言與旨廓然昭
暢臣等近識暗於大道粗聞九齡此傳便若已有所得欣

戴感悅誠不克任伏惟陛下天縱無方有來斯應萬殊一貫三教同歸伏望降出御本許內外傳授則冀明積劫之重昏納群迷於正覺朝聞夕死尚不足怪願此輕生於焉何幸不勝忭躍之至

御批

此經宗旨先離諸相解說者衆證以真空僧徒固請欲以弘教心有所得輒復疏之今請頒行慮無所吝

西幸改期請宣付史館狀并御批

姜華

右臣今日面奉進止西幸有日般運已去仍聞京畿百姓猶有未安倘來歲非熟下人無向朕雖至彼復有何情欲延期至來冬待看穀麥鄉等商度以爲何似臣等具奏洛

陽城闕雖曰皇都至於宮苑之間制度本狹然風土氣候不甚宜人陛下以萬姓爲心萬姓以陛下爲命億兆所繫誠在聖躬聖躬若安何願小小陛下遂當宁動色再降德音苟利於人朕何願惜發言惻隱感動神祇臣等幸聞至言不覺承睫聖恩愛育遂及於此又勅臣等商量進來者落恩至德焉可使朝臣不知聖君鴻名不可令史官無述臣望宣聖旨改用來年十月幸西京仍望具將本狀備示朝列并宣付史官等臣不勝踴躍之至

御批

初聞三輔之間今歲善熟朕緣陵寢誠欲西行然積虛累年乍得小稔即又聚食所慮重難倘夏麥不登未免匱乏

百姓不足朕孰與安所以再三疚懷欲去不忍至於官苑
所樂氣候非宜苟得人安終不以此為念卿可宣前旨更
俟後期所請遍示朝列及宣付史館亦屬煩也任卿等自
商量

上為寧王寫一切經請宣付史館狀并御批

石臣奉勅今日於安國觀行香伏見天恩為寧王及故惠
宣代國金仙公主共寫一切道經四本伏以膺恩友愛情
深天屬生成之德無隔存亡利益之資方弘道要諸經筆
繕景福云集稱贊茲日功用有成教義是先誠所感慶臣
無任欣戴之至望宣付史館謹奉狀以聞謹奏

御批

道由先宗欽承餘慶所祈福力在愬以真經歸謹至誠匪存
名教所請者依

賀張待賓奏剋捷狀

英三華

右高力士宣示臣等張待賓表臣等前因奏事親承聖旨
懸料數月當有捷書及此使至比日如膚略但狂胡背誕圖
逼軍州凶力固已困窮邊城一無所損臣等伏料此賊早
是破傷大衆遠來踰月乃去馬羸則多死人苦則計生本
是烏雜之徒足徵破亡之漸此皆皇威遠龍言氣殺坐銷豈
伊邊人所能自保臣等幸忝樞近承奉聖謀邊捷有符不
勝慶悅謹奉狀陳賀以聞仍望宣付史館謹奏

御批

狂賊遠來無能支义果自奔北不擾邊人宜朕獨見之明
固在大臣良策亦謂宣付史館者依

張子壽文集卷第十三

張子壽文集卷第十四

曲江集

狀并御批

賀北庭解圍狀英華作賀北庭賀奚契丹廓清有期狀

賀詠奚賊可突于賀破突厥狀

賀東北累捷狀賀依聖料赤山北無賊狀

賀突厥傷死狀賀聖料突厥必有亡狀

賀蓋嘉運破賊狀賀賊蘇祿道走狀英華作賀

賀雪狀賀侍講徧賜衣物狀英華

賀雨狀賀雨晴狀英華

賀雨狀賀雪狀

賀祈雨有應狀英華賀太陽不虧狀英華

賀祥雲見狀

英華

賀表登狀

英華

賀衢州進古銅器狀

賀北庭解圍仍有殺獲狀

并御批

英華

右蓋嘉運奏北庭解圍仍有殺獲蘇祿皆德敢此歸天盡驅大羊來犯軍鎮雖肆凶毒欲逞其心而邊兵無遺鏃之賈狂賊有與尸之禍此皆陛下聖武將士恭行遠必叶謀動無遺策能令氛祲坐自廓清臣等忝奉密謀屢承獻捷踴躍稱慶倍百恒情謹奉狀以陳賀以聞謹奏

御批

醜虜遠方我之有待奔亡相次天實誅之鎮撫四夷故有擢權宜一策何獨朕躬所智知

賀奚契丹並自離貳廓清有期狀

右適高力士宣示臣等張中珪奏契丹及奚並自離貳兼安祿山復有殺獲賊數將事血觸緒猜携邊鎮勤兵伺隙而動誅剪有日廓清可期此比天威遠臨逋逃自滅臣等不勝慶躍之至

御批

比未窮巢穴有慎往兵果自猜携人神所弃折衝樽俎遙可圖之所賀知

賀誅奚賊可突于狀

并御批

右高力士宣示張守珪所上逆賊契丹屈烈及可突于等首級此等惡稔喪敗將及故天誘其衷既降又貳而感義

之士惡其翻覆背恩之賊既已誅鋤幽障廓清華夷俱靜
計其餘噍永無動搖陛下邊任先擇聖謀獨斷克稟成命
樹此戎功且知河朔無轉輸之勞林胡爲賦稅之地臣等
忝在樞近預聞遠績捷書之至喜倍恒情謹奉狀陳賀以
聞謹奏

御批

用兵之上者脩政於廟堂折衝千里之外此之謂也小寇
適降復爲翻動邊軍防戍有國常刑朕方事籍田而今獻
捷當鑄劔戟以爲農器是也

賀破突厥狀 并御批

右張守珪表奏突厥四萬騎前月二十五日至能訖離山

契丹涅禮等前後斬獲俘馘數十萬突厥可汗弃甲逃亡
奚主李歸國及平盧軍將等追奔逐北計日殲滅更聞奏
者伏以突厥新立輕事用兵彼之威衆在於一舉又兩蕃
與其結隙交構未深在於邊隅猶軫天筭陛下料其終始
指授規模知其舉種盡來本自無策勞師襲遠必合成擒
使蕃騎先鋒漢軍堅壁坐觀成敗自戰蠻夷今契丹繞交
突厥已破計其奔北必至喪亡脫身獲全亦舉衆皆奔北
虜震攝從此氣衰東胡保邊永不携貳寬徭罷柝自此可
期斯皆聖德遠覃皇威遐振事無遺策舉不失圖臣忝跡
樞近親承睿略抃躍之至倍百指情謹奏狀陳賀以聞謹
奏

御批

兩蕃歸我因用御邊北虜猖狂欲有親率何則馳騁之騎
突厥頗強弓矢之功契丹補勁彼強也歷遠已弊北勁也
襲近而摧勢自不敵况遠天意廟堂良莠其時稜威故令
而有成豈朕之獨斷所賀知

賀東北累捷狀并御批

右今日劉思賢至奉宣聖旨告示臣等破賊所由兼見守
珪表奏具承契丹累捷伏以聖武所加制勝者無失天威
不抗犯順者自亡突厥負衆背恩窮凶遠襲兩蕃懷德誓
死如歸三軍奉國從命如指遂使一戰使虜已聞殺傷無
算慟哭而奔則知主將必死且蠻夷相伐我則不勞增場

有虞義亦奚失固知無愆信於漠北有公於燕部此實
獨斷神謀事皆有預萬全之策永靜邊陲與內之師匪
中夏凡在黎庶孰不欣躍臣等亦預樞近倍百石情無任
慶悅之至

御批

東歸兩蕃不孤舍育北制強虜且知威信自如以代約
邊陲屢有奔亡非無逆順朕之早預故亦常備圖今乃歸
得無同體

賀依聖料赤山北無賊及天寶要重人死狀

信安郡王禘承王忠副驚因赤山有賊

右先得前件牒云九月三日奚探見賊無數三日臣等

臣奉聖旨料此必安祿山所將之兵奚疑是賊使有此舉也臣等當時又奏突厥舉國大來微有輸失便云竊料此意恐其有謀陛下又云必應彼有要重人死所以而去今日幽州節度判官監察御史張曉至云今月十一日從幽州發來赤山元自無賊奚所見者正是安祿山下兵三萬又云契丹有蕃落人走來云突厥之兵馬平章事第一人所以狼狽即去在路每日於帳前哭此並聖心懸照言如目擊臣等親奉睿筭及此特同萬里無差不勝驚喜任踴躍之至仍望宣付史館

御批

朕臨御有年更事多矣天人之際先意後合此亦賊意

量非朕謀之必中將有可紀并付史館

賀突厥小可汗必是傷死狀

右牛仙童宣勅送前件契丹今問委曲者臣等借問突厥退散所由其伊吐于被擒將臨五日因夜却走迴每日實見突厥諸將皆於衙帳前哭及整正面是實據此必是小可汗傷死若其不然不合如此番觀伊吐于情狀亦即不敢妄言必其不虛乃是天敗比其歸至本處固應更有餘殃醜虜破亡必自此始也陛下聖德無遠好洽自銷不勞師徒已清朔漠臣等獲奉廟筭不勝抃躍之至

賀聖料突厥必有亡徵其兆今見狀

右林招隱宣勅示臣等張守珪云契丹婦女屈將從突厥

出來知可汗死是實又云黃頭突厥與默啜突厥爭言氣
兵馬欲鬪驚軍屈將然得走來者參驗前後從突厥來者
說事多同况此婦人尤為指實死既非謬天實誅之且諸
蕃之中北虜為桀不待征戰而自取殲夷此誠天助有道
坐清妖祲陛下嘗有聖料者知其必有亡徵今云兵馬自
爭其兆已見佇聽其敗但只納降享障息兵將自此始不
勝欣慶之至

賀蓋嘉運破賊狀并御批

右高力士宣奉勅示臣等王尚客奏狀知蓋嘉運至突厥
施店密城逢賊便鬪多有殺獲且凶黨大衆見在邊城方
擬經春圖為邊患忽聞嘉運比人復有破傷必其驚狂當

有携散皆是聖略先定萬里懸心尚客所言合符前旨臣
等不勝慶躍之至

御批

方隅整警言乃圖其事不出意外且有殺傷雖復嘯聚邊城
故應知難而退鼎臣參佐何獨狀躬所賀知

賀賊蘇祿遁走狀并御批
英華作賀退賊狀

右高力士宣勅示臣等曹待仙狀知蘇祿遁走入山出
界者四鎮懸遠比被侵逼將士用命雖有誅鋤凶徒尚多
日有抄掠兵疲矢盡為弊亦深今自奔亡誠是震懼聖威
無遠氣洽坐銷又北庭救兵當時迴旆不費軍廩事且無
憂吐蕃縱實西行蘇祿不得相應其敗可必又無可憂邊

等且寧不勝慶慰謹奉狀陳賀以聞謹奏

御批

朕以信撫遠蕃故當順以歸命去順為惡天何容之力屈計窮果自奔散鄉等料其後事亦以當然所賀知

賀雪狀并御批

右伏以至德惟勤親耕以勸大禮云畢勞酒加歡聖感天從豐年雪應始降澤於千畝將有盈於萬箱臣等忝陪近侍載深慶躍無在悅豫之至謹奉狀陳賀以聞謹奏

御批

籍田勸農勞酒成禮此時降雨神人以和是賴台臣致茲

嘉應

賀侍講編賜衣物狀并御批 吳華

右高力士直稱陛下親講讀毛詩編賜侍講陳希烈三品兼衣物等伏以睿思玄遠超然物表俯臨天下必樹風化既弘儒教考覈詩人爰託師資親紉講讀章句初畢賞錫有加明主用心孰不知勸臣等謬承任遇實愧經通聖業彌深微誠何補方思敷學以助明時無任悅豫之至

御批

漢家用儒倚以為相卿等輔佐朕亦論思侍講說詩用符正道既至匡益特加章綬是先敷獎應會謀猷因斯行諸引進經術也所賀知

賀兩狀并御批

右伏以自春降澤粟麥已滋首夏再旬時雨稍晚陛下念
深萬姓恩覃庶獄將有事山川用達精意德音纒發甘霖
滂流此誠聖感必通天應如蒼臣等忝居近輔百恒情無
任并躍之至謹奉狀陳賀以聞謹奏

御批

過月不雨農事或信是用責躬兼令省獄卿即同體共達
乃誠天且不違穀麥皆遂若事關政令動必合符積文寬
抑亦宜踈理宜成朕懷也所賀知

賀雨晴狀 并御批

吳華

右今月十日高力士宣聖旨以霖雨方滯有害稼穡之憂
將親禱上陽三日內不坐精意朝發而重陰夕霽乃數日

已來遂致開朗誰謂天遠其應甚速遂得麥秋有望蚕事
且登則知至人無心與天地合契神功潛運豈陰陽不測
伏惟陛下明德自照頌兢業載懷所致休徵必加謙慎天聖
相合福致群生日用不知年和在在臣等無能翊佐徒忝
近密每有大猷承奉不暇無任欣戴慶躍之至

御批

雨以救旱忽至秋霖所慮害農彌深罪已明靈矜憫蠶遂與
開霽實因誠至非謂德先時麥既登百穀有望亦卿等同
體之效

賀雨狀 并御批

右畿輔之間秋來少雨聖心有軫稼穡猶惟憂德至于天慶

自嘉節實有神應旋降甘雨使將枯之苗有同於再熟已
息之望不意於萬人臣有限不獲當時稱慶無任悚踴之
至

御批

時愆膏雨至于節日以此之故初無宴私雖遵所請憂樂
相半樂通和氣憂亦為陰因茲霽然若以誠應方收晚歲
有同再熟與卿同慰也

賀雪狀 并御批

右伏以自冬少雪粟麥未滋歲律向終農候方近陛下黎
庶在念憂濟常深聖心精誠天意昭感孰云玄遠不日有
應遂得盈尺告祥動植霑洽豐年有望即事可期既表泚

常之祥實倍不任之喜不勝抃躍之至

御批

歲律方窮又無雨雪頃者信宿落而復收朕用責躬天實
降鑒皓然竟夕將遍寰瀛固在卿等寬和所致也

賀祈雨有應狀 并御批 英華

右臣一昨面奉恩旨緣秋稼有望時雨驟降念及黎元見
于顏色方躬自祈請誠勤夙夜上靈昭鑒嘉瑞必臻昨日
申酉之間雲物果應初含五色正覆於壇場未及終霄更
灑於城闕遂使炎埃宿潤雲暑暫清實冀膚寸之資畢致
普天之澤臣等多昧徒仰於成造蒼生何幸每及於聖私
無任欣戴抃躍之至仍望宣付史館

御批

朕每念元元無忘夙夜頃來少雨是用精祈所見徵祥果成其應豈朕之德天實為之今則滂沱與卿等同慰請付史館者依

賀太陽不虧狀并御批 英華

右今月朔太史奏太陽不虧據諸家曆皆蝕十分已上仍帶蝕出者今日日出百司瞻仰光景無虧臣伏以日月之行值交必蝕筭數先定理無推移今朔之辰應蝕不蝕陛下聞日有變齊戒精誠外寬刑政內廣仁惠聖德日慎災祥自弭若無表應何謂大明臣等不勝感慶之至

御批

一昨有司奏太陽當虧孰云交分亦繫休咎朕之薄德是用責躬應蝕不蝕且符至願昔漢家日蝕之變則舉賢良招直諫蓋思補過以名其咎也曷若勤於未兆預以圖之招諫登賢以先天意當與卿等夙夜為心所請付史館者依

賀祥雲見狀并御批 英華作表又此中福出

右臣等伏見道門威儀司馬秀表稱今月十日夜陛下親臨同明殿道場為宗廟蒼生祈福有祥雲見伏以聖德以精至動天天意以昭靈符聖其感甚速其應豈遠陛下聖敬之深勤恤所至虛心如答神道何言自表休期以介景福生人大賴天下幸甚臣等忝居近侍義百怕情謹奉狀

陳賀以聞

御批

朕欽籍玄風緬懷道力上資宗廟下浸元元俾在潛通乃
至昭覩愧畏相屬曷用當之願記史臣以彰降鑒豈朕所
宜讓也所請者依

賀麥登狀并御批

英華

右今日高力士宣示臣等皇太子表以嘉麥有成陛下躬
執勞事率先兆庶皇太子已下繼美聖功臣聞勤於稼穡
必有來楚之慶著在春秋則非他穀之比伏惟陛下敬宗
廟屬念黎元春郊順時則千畝在御禁園測候則萬富皆
豐况云立訓天人降尊農務上靈昭德已聞瑞日增輝當

暑不疲則有祥雲自覆是彰敦本之化式旌造物之功人
謠在茲天意可鑒且禹之盡力堯實用心史策美談帝王
為範未有休徵神應若斯之盛者也以今况古千載未聞
請付史官天下幸甚臣等叨榮近侍倍百恒情無任感戴
抃躍之至

御批

朕親耕千畝卿等佐之謂之勤農期於盡力故園苑種麥
別殿築場訓子勸人因之表奏案成薦寢是契夙心雲日
告休易致昭感欲書諸史策必實史官任斟酌事宜耳

賀衢州進古銅器表

英華

右伏見衢州所進瑞魚銘等神物瓌奇形製純古魚為龍

象既彰受命之元銘作久文更表錫年之永河圖舊事無
以加之臣叶贊休明屢承福應忝惟拜慶倍百怕情伏望
宣付史官傳之不朽無任喜歸之至

張子壽文集卷第十四

